

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“ broj 7/10), Zakona o izvršenju Budžeta Zeničko-dobojskog kantona za 2013. godinu („Službene novine Zeničko-dobojskog kantona“ broj 19/12), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 129. sjednici, održanoj dana 17.10.2013. godine, d o n o s i

ZAKLJUČAK
o usvajanju Programa utroška sredstava Budžeta
za poticaje u poljoprivredi u 2013. godini

I.

Usvaja se Program utroška sredstava za poticaje u poljoprivredi u 2013. godini, na razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2013. godinu, ekonomski kod 614 400, NAD 402, u iznosu od 2.000.000,00 KM (slovima: dvamiliona konvertibilnih maraka).

II.

Zadužuju se Ministarstvo za poljoprivredu, šumarstvo i vodoprivredu da do naredne sjednice sačini Uputstvo o poticanju poljoprivredne proizvodnje za 2013. godinu i isto dostavi Vladi, radi davanja saglasnosti na isto.

III.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/13
Datum, 17.10.2013. godine
Z e n i c a

PREMIJER
Munib Husejnagić, dipl.ing.maš.

DOSTAVLJENO:

1x Ministarstvu za poljoprivredu šumarstvo i vodoprivredu,
1x Ministarstvu finansija,
1x a/a.

PROGRAM
Utroška sredstava Budžeta Zeničko-dobojskog kantona
za poticaje u poljoprivredi za 2013. godinu

Podaci o Programu

1. Program je usvojen na 129. sjednici Vlade Zeničko-dobojskog kantona održanoj dana 17.10.2013. godine

2. Period realizacije Programa: Isplata podrški za poljoprivredne proizvodnje koje su realizovane u periodu od 01. 01. do 31. 12. 2013. godine.
Napomena: U ovom periodu izvršit će se isplata sredstava za podrške i za period 2012/2013. godina

3. Ukupna vrijednost Programa: 2.000.000,00 KM
(slovima: dva miliona konvertibilnih maraka)

4. Namjena Programa: Podrška primarnoj proizvodnji – animalnoj i biljnoj, otkupljivačima, kapitalnim ulaganjima u poljoprivredi, te projektima za unapređenje stanja u poljoprivredi na području Zeničko – dobojskog kantona

5. Korisnici Programa: Poljoprivredni proizvođači, zadruge, udruženja poljoprivrednika, proizvođači i prerađivači prehrambenih proizvoda.

6. Izvor sredstava: Budžet Zeničko-dobojskog kantona za 2013. godinu
- Budžet Ministarstva za poljoprivredu, šumarstvo i vodoprivredu
- „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i
„Zakon o izvršenju Budžeta Zeničko- dobojskog kantona“
("Službene novine Zeničko- dobojskog kantona", broj:19/2012 od 28. 12. 2012. godine)

7. Odgovorna osoba: Bojan Bošnjak, ministar

I UVOD

U Zakonu o poljoprivredi ("Službene novine Federacije BiH", broj: 88/2007) utvrđeni su pravci budućeg razvoja poljoprivrede. Razvoj se u značajnoj mjeri oslanja na podsticajna sredstva iz federalnog i kantonalnih budžeta i što je nivo podsticajnih sredstava bliži podsticajima u okruženju (Hrvatska i Srbija), to je realnije očekivati razvoj poljoprivrede na našem području.

Po Programu za 2013. godinu ukupno opredijeljena sredstva za podsticaje u poljoprivredi iznose 2.000.000,00 KM.

U izradi Programa za 2013. godinu korišteni su slijedeći parametri:

- Proizvodne resursne mogućnosti Zeničko-dobojskog kantona,
- Preporuke Srednjoročne strategije razvoja i Zakona o poljoprivredi,
- Kontinuitet podsticajnih mjera,
- Mogućnosti plasmana podsticajnih proizvodnji,
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije i
- Preporuke naučnih i stručnih institucija iz sektora.

Ispoštovan je dogovor sa Federalnim ministarstvom poljoprivrede, vodoprivrede i šumarstva oko harmonizacije podsticaja, u smislu da nema preklapanja federalnih i kantonalnih podsticaja. Izuzetno preklapat će se oni podsticaji koji po kriterijima sa federalnog nivoa nisu ostvarivi za naše proizvođače, to znači da nijedan proizvođač ne može ostvariti po dva osnova isti podsticaj.

U skladu sa raspoloživim sredstvima, mjere podrške u poljoprivredi iz Budžeta Zeničko-dobojskog kantona za 2013. godinu su usmjerene prema slijedećim proizvodnjama i aktivnostima.

A/ Podrška poljoprivrednoj proizvodnji

A/1 Animalna proizvodnja

- Premija za uzgoj brojlera,
- Podrška za držanje pčelinjih zajednica.

A/2 Biljna proizvodnja

- Premija za proizvodnju povrća u plastenicima i staklenicima,
- Premija za proizvodnju američke borovnice i aronije,
- Premija za proizvodnju gljiva,
- Premija za zasnivanje novih zasada maline, kupine, američke borovnice i aronije,
- Premija za zasnivanje novih zasada voća – visokostablašica.

B/ Podrška otkupljivačima poljoprivrednih proizvoda

- Premija otkupljivačima svježeg kravljeg mlijeka,
- Premija otkupljivačima svježeg voća i povrća,
- Premija otkupljivačima nekultivisanih šumskih plodova, bobičastog voća i nekultivisanih gljiva,
- Premija otkupljivačima jagodičastog voća.

C/ Podrška kapitalnim ulaganjima

Podrška poljoprivrednim proizvođačima za investicije u poljoprivrednoj proizvodnji u funkciji proizvodnje hrane na području Zeničko – dobojskog kantona.

D/ Podrška projekata

- Medijsko predstavljanje domaće poljoprivredne proizvodnje,
- Podrška radu i aktivnostima organizacijama poljoprivrednika,
- Finansiranje medija, edukativnog i propagadnog materijala iz oblasti poljoprivrede.

E/ Rezerve

- Rezerve – nepredviđeni zahtjevi.

II KRITERIJI ZA RASPODJELU SREDSTAVA

Odobrena finansijska sredstva iz budžeta Zeničko-dobojskog kantona pod stavkom "Subvencije za podsticaj razvoja u poljoprivrednoj proizvodnji" opredjelit će se fizičkim i pravnim licima (u daljem tekstu: korisnici) prema općim i posebnim kriterijima.

1. Opći kriteriji

Pravo na ostvarivanje podrški ostvaruju:

- korisnici koji su ostvarili primarnu poljoprivrednu proizvodnju ili poljoprivrednu djelatnost obavljaju na teritoriji Zeničko-dobojskog kantona, te se bave otkupom poljoprivrednih proizvoda sa područja Zeničko-dobojskog kantona, osim ako to ovim Programom ili Upustom nije drugačije propisano.
- korisnici koji imaju stalno mjesto prebivališta, odnosno za pravna lica sjedište, na području Zeničko-dobojskog kantona.
- korisnici koji su upisani u registar gazdinstava/klijenata.

2. Posebni kriteriji

- korisnici koji po bilo kojem osnovu nisu izmirili svoja dugovanja prema kantonu neće moći ostvariti pravo na poticaje.
- nepotpuni ili netačno popunjeni, neblagovremeni i izvan propisane procedure dostavljeni zahtjevi neće biti uzeti u razmatranje.
- korisnici koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2013. godini (u daljem tekstu Uputstvo), koje donosi Ministar Ministarstva za poljoprivredu, šumarstvo i vodoprivredu Zeničko-dobojskog kantona.

III PODSTICANJE KROZ PROGRAM

A/ Model podrške proizvodnji

A/1 Animalna proizvodnja

1. **Premija za uzgoj brojlera** - premiraju se utovljeni brojleri sa 0,08 KM/brojleru, koji u vlastitim ili zakupljenim objektima utove najmanje 5.000 brojlera u turnusu, sa subjektom registrovanim za preradu brojlerskog mesa imaju sklopljen ugovor o kooperaciji, te da ispunjavaju i druge kriterije koji će biti propisani Uputstvom.

2. **Podrška za držanje pčelinjih zajednica** – podržavaju se korisnici koji u vlasništvu imaju najmanje 20 aktivnih pčelinjih zajednica u iznosu od 10,00 KM/pčelinjoj zajednici, pod uslovom da su pčele pod stalnim veterinarskim nadzorom, te da ispunjavaju i druge kriterije koji će biti propisani Uputstvom.

A/2 Biljna proizvodnja

1. **Premija za proizvodnju povrća u plastenicima i staklenicima** – ova podrška dijeli se u dvije kategorije. U prvoj kategoriji sa 5,00 KM/m² minimalne površine 500 m², podržavaju se poljoprivredni proizvođači (fizička lica) koji imaju registrovanu poljoprivrednu djelatnost (kao osnovnu djelatnost). U drugoj kategoriji sa 2,00 KM/m² podržavaju se neregistrovani proizvođači i pravna lica za proizvodnju povrća minimalne površine od 400 m² plastenika ili staklenika, te da ispunjavaju i druge kriterije koji će biti propisani Uputstvom.

2. **Premija za proizvodnju Američke borovnice i aronije** – premira se proizvodnja Američke borovnice-plantažni uzgoj sa 0,50 KM/kg kod proizvođača koji imaju zasade borovnice i koji predaju otkupljivaču/prerađivaču proizvedenu borovnicu, te da ispunjavaju i druge kriterije koji će biti propisani Uputstvom.

3. **Premija za proizvodnju gljiva** – premira se proizvodnja gljiva (šampinjona i bukovača) sa 50,00 KM/toni kupljenog komposta, kod proizvođača koji su proizvodnju gljiva registrovali kao djelatnost, te da ispunjavaju i druge kriterije koji će biti propisani Uputstvom.

4. **Premija za zasnivanje novih zasada maline, kupine borovnice i aronije** – premira se zasnivanje novih zasada maline, kupine borovnice i aronije na površini od 1 – 5 dunuma, sa iznosom od 300,00 KM/dunumu, te da ispunjavaju i druge kriterije koji će biti propisani Uputstvom.

5. **Premija za zasnivanje novih zasada voća (visokostablašice)** – ova podrška se realizuje kroz dvije kategorije. Prva kategorija se odnosi na podršku od 300,00 KM/dunumu za poluintezivne zasade voća-visokostablašica (jabuka, kruška, šljiva, trešnja, višnja, lješnik, kajsija, breskva i vinova loza), na površinama od 2 – 5 dunuma. Druga kategorija odnosi se na podršku od 500,00 KM/dunumu za intezivne zasade voća-visokostablašica (jabuka, kruška, šljiva, trešnja, višnja, lješnik, kajsija, breskva i vinova loza), na površinama od 2 – 5 dunuma, te da ispunjavaju i druge kriterije koji će biti propisani Uputstvom.

B/ Podrška otkupljivačima poljoprivrednih proizvoda

- 1. Premija otkupljivačima za otkup svježeg kravljeg mlijeka** - premiraju se registrovani otkupljivači mlijeka sa 0,02 KM/l za količine mlijeka po kojim njihovi kooperanti ostvare premiju za mlijeko po kriterijima Federalnog Ministarstva poljoprivrede, vodoprivrede i šumarstva i sa kojima imaju sklopljene ugovore o proizvodnji i otkupu mlijeka i isto prodaju, te da ispunjavaju i druge kriterije koji će biti propisani Uputstvom.
- 2. Premija otkupljivačima za otkup svježeg voća i povrća** - premiraju se registrovani otkupljivači voća i povrća (izuzev jagodičastog voća) sa 0,02 KM/kg koji od proizvođača sa kojima imaju sklopljene ugovore o proizvodnji i otkupu voća i povrća izvrše otkup i isto prodaju, a maksimalan iznos podrške po jednom subjektu iznosi 10.000,00 KM, te da ispunjavaju i druge kriterije koji će biti propisani Uputstvom.
- 3. Premija otkupljivačima nekultivisanih šumskih plodova, bobičastog voća i nekultivisanih gljiva** – premiraju se registrovani otkupljivači nekultivisanih šumskih plodova, bobičastog voća i nekultivisanih gljiva sa 0,40 KM/kg koji su otkupili nekultivisane šumske plodove, bobičasto voće i nekultivisane gljive i iste prodaju, te ispunjavaju i druge kriterije koji će biti propisani Uputstvom.
- 4. Premija otkupljivačima jagodičastog voća** – premiraju se registrovani otkupljivači voća sa 0,04 KM/kg jagodičastog voća koji od proizvođača sa kojima imaju sklopljene ugovore o otkupu voća izvrše otkup i isto prodaju, te ispunjavaju i druge kriterije koji će biti propisani Uputstvom.

C/ Podrška kapitalnim ulaganjima

Podrška poljoprivrednim proizvođačima za investicije u poljoprivrednoj proizvodnji u funkciji proizvodnje hrane na području Zeničko – dobojskog kantona. Vrsta, način i modeli podrške detaljnije će biti propisani Uputstvom.

D/ Podrška projektima

- 1. Medijsko predstavljanje domaće poljoprivredne proizvodnje** – ima za svrhu upoznavanje poljoprivrednih proizvođača preko različitih štampanih i elektronskih medija, uključujući i internet, sa predviđenim poticajima za poljoprivrednu proizvodnju, te afirmativno predstavljanje mogućnosti razvoja poljoprivredne proizvodnje na području ZE-DO kantona kao i davanje drugih informacija vezanih za rad Ministarstva za poljoprivredu, šumarstvo i vodoprivredu Zeničko-dobojskog kantona.
- 2. Podrška radu i aktivnostima organizacijama poljoprivrednika** – ima za svrhu afirmisanje rada organizacija poljoprivrednika, kao i podršku radu i aktivnostima poljoprivrednih i veterinarskih udruženja, poljoprivrednih zadruga i zadružnih saveza ciljem kvalitetnijeg organizovanja i boljeg pristupa informacijama poljoprivrednih proizvođača. Takođe, u sklopu ovih aktivnosti predviđeno je i sufinansiranje učešća na različitim privrednim manifestacijama iz oblasti poljoprivredne i prehrambene industrije - odlasci i izlaganje poljoprivrednih proizvođača na sajmovima i izložbama iz oblasti poljoprivredno-prehrambene proizvodnje i sl.
- 3. Finansiranje medija, edukativnog i propagadnog materijala iz oblasti poljoprivrede te nabavke repromaterijala za Izvještajno prognoznu službu** – sa svrhom što efikasnijeg informisanja poljoprivrednih proizvođača o poticajima iz Programa poticaja, predstavljanja istaknutih poljoprivrednih subjekata sa područja ZE-DO kantona, štampanje letaka i brošura, nabavke repromaterijala za Izvještajno prognoznu službu (lovne klopke, feromoni i dr.) i slično.

E/Rezerva

Sredstva rezerve koristiti će se za hitne i nepredviđene zahtjeve koji se pojave tokom budžetske godine, o čijem utrošku će odluku donositi Ministar.

TABELARNI PREGLED POTICAJA U POLJOPRIVREDI ZA 2013. GODINU

Sredstva odobrena Budžetom iznose 2.000.000,00 KM i rasporedit će se u skladu sa Programom i Uputstvom na slijedeće oblasti:

Tabela 1. Raspodjela sredstava po modelu poticaja za animalnu proizvodnju

ANIMALNA PROIZVODNJA			
A/1	Br.	Vrsta poticaja	KM/jed.mjere
	1.	Premija za uzgoj brojlera –registrirane farme	0,08KM/kljun
	2.	Podrška za držanje pčelinjih zajednica	10,00 KM/koš
		UKUPNO A/1	210.000,00

Tabela 2. Raspodjela sredstava po modelu poticaja za biljnu proizvodnju

BILJNA PROIZVODNJA			
A/2	Br.	Vrsta poticaja	KM/jed.mjere
	1.	Premija za proizvodnju povrća u plastenicima i staklenicima	5,00 KM/m ²
			2,00 KM/m ²
	2.	Premija za proizvodnju američke borovnice i aronije	0,50 KM/kg
	3.	Premija za proizvodnju gljiva	50,00 KM/t komp
	4.	Premija za nove zasade maline,kupine borovnice i aronije	300,00 KM/0,1 ha
	5.	Premija za nove zasade voća visokostablašica	Poluinte.300KM/0,1 ha
			Intezivni 500 KM/0,1ha
		UKUPNO A/2	630.000,00

Tabela 3. Raspodjela sredstava po modelu poticaja otkupljivačima

OTKUPLJIVAČI			
B	Br.	Vrsta poticaja	KM/jed.mjere
	1.	Premija otkupljivačima mlijeka	0,02 KM/l
	2.	Premija otkupljivačima svježeg voća i povrća	0,02 KM/kg
	3.	Premija otkupljivačima nekultivisanih šumskih plodova, bobičastog voća i nekultivisanih gljiva	0,40 KM/kg
	4.	Premija otkupljivačima jagodičastog voća	0,04 KM/kg
		UKUPNO B	110.000,00

Tabela 4. Raspodjela sredstava za podršku kapitalnim ulaganjima

KAPITALNA ULAGANJA			
C	Vrsta poticaja	Način ostvarivanja	Iznos (KM)
	Podrška poljoprivrednim proizvođačima za investicije u poljoprivrednoj proizvodnji u funkciji proizvodnje hrane u toku 2012/2013.	Refundacija	
	UKUPNO C		800.000,00

Tabela 5. Raspodjela sredstava za podršku projektima

PODRŠKA PROJEKTIMA				
D	Br.	Vrsta poticaja	Način ostvarivanja	Iznos (KM)
	1.	Medijsko predstavljanje domaće poljoprivredne proizvodnje	Projekti	70.000,00
	2.	Podrška radu i aktivnostima organizacijama poljoprivrednika	Projekti	50.000,00
	3.	Finansiranje medija, edukativnog i propagadnog materijala iz oblasti poljoprivrede, te nabavka repromaterijala za IPS	Projekti	15.000,00
		UKUPNO D		135.000,00

Tabela 6. Sredstva rezerve

REZERVA			
E			Iznos (KM)
	Rezerva	Nepredviđeni troškovi	115.000,00
	UKUPNO E		115.000,00
	UKUPNO (A+B+C+D+E)		2.000.000,00

Napomena: Kolone u tabelama koje definišu procjenu potrebnih iznosa sredstava u KM su samo projekcija mogućeg utroška sredstava, tako da će ovisno o iskazanim potrebama biti prelijevanja sredstava iz jednog poticaja u drugi.

IV NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak i potrebna dokumentacija te obrasci i drugi relevantni podaci.

Ukoliko drugačije nije propisano Uputstvom, korisnici koji ostvare proizvodnju ili otkupe određene poljoprivredne proizvode podnose nadležnom općinskom organu propisanu dokumentaciju za ostvarivanje podrški, a općinski organ kompletiranu dokumentaciju prosljeđuje na protokol Kantona.

Daljnji postupak sa zahtjevima korisnika provodi se u skladu sa Procedurom za ostvarivanje prava na novčane podrške u primarnoj poljoprivrednoj proizvodnji ZE-DO-PR-023 i Procedurom za ostvarivanje poticaja u stočnoj proizvodnji ZE-DO.PR:024 utvrđenim u standardima BAS EN ISO 9000:2000 i BAS EN ISO 9001-2000.

Izuzetno, ako je to u njegovom interesu, korisnik može aplicirati za ostvarivanje poticaja u poljoprivredi, poštom ili direktnom predajom dokumentacije na protokol Kantona.

V SVRHA PROGRAMA

Svrha ovog Programa je da se nastave započeti i otvore novi procesi u poljoprivrednom sektoru, sa ciljem da se ostvari;

- povećanje obima poljoprivredne proizvodnje,
- veće zapošljavanje i smanjenje stope nezaposlenosti,
- zadovoljavanje potreba domaćeg tržišta vlastitim proizvodima,
- uvođenje novih tehnologija u poljoprivrednu proizvodnju,
- postizanje svjetskih standarda u proizvodnji hrane,
- razvoj prehrambene industrije,
- snabdijevanje prehrambene industrije sirovinama,
- stabilizacija tržišta poljoprivredno-prehrambenih proizvoda,
- unapređenje rada zadruga i udruženja poljoprivrednih proizvođača,
- smanjivanje ovisnosti od uvoza i stvaranje pretpostavki za izvoz,
- stvaranje tržišno orijentisanih proizvođača,
- povećanje sjetvenih površina i privođenje kulturi neobrađenog obradivog poljoprivrednog zemljišta,
- ravnomjerniji razvoj poljoprivredne proizvodnje na području ZE-DO kantona,
- povećavanje svijesti stanovništva o potrebi korištenja i kupovine domaćih proizvoda.

VI IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2013. godinu ("Službene novine Zeničko-dobojskog kantona", broj: 05/12), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 planiran iznos od 2.000.000,00 KM.

VII KORISNICI SREDSTAVA

Korisnici sredstava su fizička i pravna lica koja ispune propisane opće i posebne kriterije iz ovog Programa i Uputstva (poljoprivredni proizvođači, zadruge, udruženja poljoprivrednih proizvođača, proizvođači i prerađivači poljoprivrednih proizvoda i dr.).

Broj: 02-_____ -1/13

Datum, 17.10.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.